

ՈՂԲԵՐԳՈՒԹԻՒՆ ԱՆՁԻՆ ԶՂՋԱՑԵԼՈՅ Տեառն ներսիսի Հայոց Կաթողիկոսի

Աշխարհ ամենայն, առ իս
նայեցեալ, ախտակից լերուք: Բանամ
զշրթունս, բարբառիմ լեզուաւս, բողոքեմ
զանձնէս. Տէր ողորմեա. Տէր ողորմեա.
Տէր ողորմեա:

Գող եղէ մեղաց, գտող կորստեան,
գուր ինձ փորեցի: Դաւեցի զանձն իմ,
դաւանանցի, դարան գործեցի. Տէր
ողորմեա:

Երբեմն էի լոյս, եւ այժմ եմ
խաւար, եւ ստուեր մահու: Զիա՞րդ
պատմեցից, զթիւ մեղաց իմոց, զի
բազում են յոյժ. Տէր ողորմեա:

Էրկինք եւ երկիր, էկայք ողբացէք,
էղկելի զանձն իմ: Ընտրեցի զչարն,
ընկալայ կամաւ, զհոյլս մեղաց. Տէր
ողորմեա:

Թաթաւիմ տղմով, թաւալիմ ի
մեղս, թօթափել չկարեմ: Ժանտ ախտիւ
լցեալ, ժահահոտ եղէ, ժամանակս
բազումս. Տէր ողորմեա:

Ի բաց մեկնեցայ, ի սուրբ
խորհրդոց, ի բարեաց գործոց: Լաւ
վարկաւ անձն իմ, լուսոյն հեռանալ,
լինել ընդ խաւար. Տէր ողորմեա:

Խորհուրդք չարին, խաբեն զհոգիս,
խորասոյգ առնեն: Մածկեն անդնդովք,
ծիծաղին գլորմամբս, ծանակ զիս
առնեն. Տէր ողորմեա:

Կամաւ կորացայ, կարկամեալ
անձամբս, կանգնիլ ոչ կարեմ: Հուր
մեղաց կիզող, հրդեհեաց որ յիս, հոգեւոր
բարիս. Տէր ողորմեա:

Չաղկեցայ մեղօք, ձաղկեցին
տեսողք, ձանձրացաւ հոգիս: Ղեղի
դառնութեան, դողեալ ի սիրտ իմ, դամբար
իմ շիջաւ. Տէր ողորմեա:

Ճաշակմամբ մեղաց, ճաշեցի
զմահ, նոխս աղփատացայ: Մեռեալ եմ
հոգւովս, մոլորեալ մտօքս, միայն կամ
մարմնովս. Տէր ողորմեա:

Յորոգայթ մահու, յորսողին
անկայ, յաղթեցայ յախտից: Նետից
թշնամւոյն, նշաւակ եղէ, նոր միշտ
խոցոտիմ. Տէր ողորմեա:

Շուրջ պատեալ զինեւ, շունք
բազումք եղեն, շաղախին արեամբս:
Որս եղէ չարին, ուռկանաւ մեղաց
որսացաւ զանձն իմ. Տէր ողորմեա:

Չարաչար վշտօք, չարչարի անձն
իմ, չունիմ դադարումն: Պարտապան
գտայ, պարտուց յանցանաց, պարտեալս
ի մեղաց, Տէր ողորմեա:

Ջանամ գղջանալ, ջեռանիմ
դարձեալ, ջեռնում հրով մեղաց: Ռարբի
կոչեցայ, ռակայ անուանիմ, ռամկական
վարուքս. Տէր ողորմեա:

Սիրով ցանկութեան, սաստիկ
բարկութեան, սիրտ իմ խոցեալ է: Վիրօք
յանցանաց, վշտանայ հոգիս, վարանեալ
շրջիմ. Տէր ողորմեա:

Տիրեցին ինձ չարք, տարագիր
հանին, տիրական գրկացն: Բարունւոյն
բարւոյ, Բախնական ձայնին, Բոտինս ոչ
լուայ. Տէր ողորմեա:

Ցանկութիւն չարեաց, ցանկալի
դիմօք, ցաւեցոյց զաչս իմ: Իւրաքանչիւ-
րոց, լիւսմամբ խուռն ախտից, լիւծեալ
է հոգիս. Տէր ողորմեա:

Փութացիր, անձն իմ, փախչիլ ի
չարեաց, փափաքիլ Բարեաց: Քեզ միշտ
մեքձ ծանիր, բուն մահու եկեալ, բննող
դատաւոր. Տէր ողորմեա:

Սրբուհւոյն Աստուածածնին
բարեխօսութեամբ:

Յիշեա Տէր, եւ ողորմեա: